

Պատկերապատկեր քաղաք երկրների, միացե՛մ

---

ՀԿՊ ԿՆՆՏԿՈՄԻ  
ԳՐԱԳԱԳԱՆԴԱՅԻ ԵՎ  
ԱԳԻՏԱՅԻՆ ԲԱԺԻՆ

# Ագրիկուլտուր ԲՆԱԿՆՈՏ

№ 20

ՀՈԿՏԵՄԲԵՐ

1957

ОБЯЗАТЕЛЬНЫЙ  
ЭКЗЕМПЛЯР

## ԲՈՎԱՆԴԱԿՈՒԹՅՈՒՆ

12

Նյութեր զեկուցումների և զրույցների համար  
Հոկտեմբերյան Սոցիալիստական Մեծ ռևոլյուցիան  
և հայ ժողովրդի վերածնունդը . . . . . 1

Տեղեկանք

Երկրի սովետական արհեստական արբանյակը . . . 44

---

Խմբագրության հասցեն.— Երևան, ՀԿՊ Կենտկոմ,  
11 հարկ, 60-րդ սենյակ: Հեռախոս՝ 2—52—78:

6036-Ա-7.

ՆՅՈՒԹԵՐ ԶԵԿՈՒՅՈՒՄՆԵՐԻ ԵՎ ԶՐՈՒՅՑՆԵՐԻ ՀԱՄԱՐ


---

## ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ ՌԵՎՈԼՅՈՒՑԻԱՆ ԵՎ ՀԱՅ ԺՈՂՈՎՐԴԻ ՎԵՐԱԾՆՈՒՆԴԸ

Քառասուն տարի առաջ՝ 1917 թվականի հոկտեմբերի 25-ին (նոյեմբերի 7-ին) Ռուսաստանի ռևոլյուցիոն բանվորներն ու գյուղացիները, Վ. Ի. Լենինի ստեղծած բոլշևիկների պարտիայի ղեկավարությամբ, տապալեցին կապիտալիստների ու կալվածատերերի անարգ տիրապետությունը և իրենց ձեռքը վերցրին քաղաքական իշխանությունը:

Հաղթանակեց Հոկտեմբերյան Սոցիալիստական Մեծ ռևոլյուցիան, որը նոր դարաշրջան բաց արեց մարդկության պատմության մեջ՝ կապիտալիզմի կործանման, կոմունիզմի հաղթանակի դարաշրջանը:

Մինչև Մեծ Հոկտեմբերի պատմական հաղթանակը, Ռուսաստանի բանվոր դասակարգը և աշխատավոր գյուղացիությունը





պաշարի երկար ճանապարհ էին անցել, նրանք թրծվել ու կոփվել էին ոռոտական առաջին ու երկրորդ ուղղությունների բովում և պաշարի հսկայական փորձ էին կուտակել: Այդ փորձն իզուր չանցավ: Պրոլետարիատը վճռական կռիվ հայտարարեց շահագործող դասակարգերի՝ կապիտալիստների ու կալվածատերերի դեմ, ազգային ճնշման դեմ: Այդ պաշարը պսակվեց համաշխարհային-պատմական հաղթանակով, Սովետական իշխանության հաստատումով:

Մարդկային պատմության մեջ անցյալում ևս քիչ ուղղություններ չեն եղել, բայց նրանցից և ոչ մեկը չի կարելի համեմատել իր մասշտաբներով ամենավիթխարի, իր խրո-դիրներով ու նպատակներով ամենախոր Հոկտեմբերյան Սոցիալիստական Մեծ ուղղու-ղիայի հետ:

Անցյալի ուղղությունների ժամանակ փոխվում էին իշխանության գլուխ կանգնած շահագործող դասակարգերը, փոխվում էին շահագործման ձևերը, իսկ շահագործումը մնում էր: Եվ ամեն մի այդպիսի ուղղությանից հետո իշխանությունը նվաճած շահագործող-ներն առավել կատաղի ու վրեժխնդիր էին դառնում շահագործվող, ազատության ձրգտող միլիոնավոր աշխատավորների նկատ-

— 2 —

մամբ: Հոկտեմբերյան Սոցիալիստական ուղղության ոչ միայն ազդարարեց, այլև իրականացրեց սոցիալիզմի, խաղաղության, ժողովուրդների իրավահավասարության ու բարեկամության անմահ գաղափարները:

Պատմական կարճ ժամանակամիջոցում սովետական ժողովուրդը մեծ հաղթանակներ ձեռք բերեց երկրի ժողովրդական տնտեսության և կուլտուրայի բոլոր բնագավառներում: Կապիտալիստների ու կալվածատերերի իշխանության տապալումը և սոցիալիստական նոր հասարակարգի ստեղծումը հնարավորություն տվեցին երկրի արտադրողական ուժերի աննախընթաց զարգացման ու վերելքի համար:

Իր հոգևարքի մեջ գալարվող կապիտալիստական աշխարհը ոչ մի կերպ չէր ուզում հաշտվել նոր հասարակարգի ծննդյան պատմական փաստի հետ, ուստի և ամեն կերպ ձգտում էր ոչնչացնել այն, վերադարձնել հինը: Սակայն չարդարացան մեր երկրի արտաքին ու ներքին թշնամիների հաշիվները: Սովետական մարդիկ օտարերկրյա ինտերվենտների դեմ մղած պաշարում, քաղաքացիական կռիվների ու այնուհետև Հայրենական Մեծ պատերազմի հրդեհներում պաշտպանեցին իրենց սոցիալիստական Հայրենիքը:

— 3 —



և ջախջախեցին նրա վրա ձեռք բարձրացրած բոլոր թշնամիներին:

Սովետական Միությունը դեռևս երկրորդ համաշխարհային պատերազմի նախօրյակին՝ անցյալում տնտեսապես թույլ և հետամնաց երկրից իր արդյունաբերության զարգացման արագ տեմպերի, գյուղատնտեսության կուլեկտիվացումն իրականացնելու շնորհիվ վերածվել էր հզոր սոցիալիստական պետության, որի գոյությունը սարսափ էր պատճառում կապիտալիստներին և ուրախություն՝ աշխարհի բոլոր մասերում ապրող մեր միլիոնավոր բարեկամներին:

Հետպատերազմյան տարիներին սովետական ժողովուրդը արագորեն բուժեց պատերազմի պատճառած ծանր վերքերը, նոր թափով առաջ մղեց սոցիալիստական արդյունաբերությունը, կազմակերպեց գյուղատնտեսության նոր վերելքը, է՛լ ավելի զարգացրեց գիտությունը և կուլտուրան:

Օրավուր նորանոր հաղթանակներ են տանում մարքսիզմ-լենինիզմի վեհ գաղափարները: Դրա փայլուն ապացույցներից է այն, որ երկրորդ համաշխարհային պատերազմում դերմանական ֆաշիզմի ու ճապոնական միլիտարիզմի պարտության հետևանքով Սովետական Սոցիալիստական Ռեսպուբլիկաների

— 4 —

Միության կողքին նվրոպայում և Ասիայում բարձրացան, ամրապնդվեցին, աճում ու զարգանում են նաև ուրիշ սոցիալիստական պետութայուններ՝ Չինական ժողովրդական Ռեսպուբլիկան, Ալբանիան, Բուլղարիան, Գերմանական Դեմոկրատական Ռեսպուբլիկան, Լեհաստանը, Կորեական ժողովրդական Դեմոկրատական Ռեսպուբլիկան, Հունգարիան, Մոնղոլական ժողովրդական Ռեսպուբլիկան, Չեխոսլովակիան, Ռումինիան, Վիետնամի Դեմոկրատական Ռեսպուբլիկան, Հարավսլավիան: Այժմ սոցիալիզմը դուրս է եկել մեկ երկրի շրջանակներից, աճել ու դարձել է համաշխարհային անպարտելի սիստեմ և հաջողութամբ մրցում է կապիտալիստական սիստեմի հետ:

Հոկտեմբերյան ռեվոլյուցիայի անմահ գաղափարների ազդեցության տակ Ասիայի և Աֆրիկայի երկրներում ապրող հարյուր միլիոնավոր մարդիկ թոթափեցին գաղութային շղթաները: Հետզհետե ավելի ու ավելի լայն ծավալ է ստանում գաղութային և կիսագաղութային երկրների ժողովուրդների ազգային-ազատագրական պայքարը:

Հոկտեմբերյան Սոցիալիստական Մեծ ռեվոլյուցիայի կազմակերպիչն ու ոգեշնչողը ժառանգելով կոփված Սովետական Միության

— 5 —



Կոմսնիստական պարտիան էր՝ Վ. Ի. Լենինի գլխավորութեամբ:

Նաղաղ շինարարութեան տարիներին, սովետական ստեղծագործ ժողովուրդը՝ պարտիայի առաջնորդութեամբ հին աշխարհի փլատակների վրա կառուցեց նոր աշխարհ և հաստատու աներեր ընթանում է առաջ, դեպի կոմսնիզմի հաղթանակը:

ՍՄԿՊ-ն ուժեղ և անպարտելի է նրանով, որ նա անսահմանորեն հավատարիմ է մարքսիզմ-լենինիզմի ուսմունքին: Առաջնորդվելով այդ ուսմունքով, նա անձնվիրաբար ծառայում է բանվոր դասակարգի մեծ գործին, ամեն քայլափոխում պաշտպանում է ժողովրդի շահերը, արտահայտում նրա նվիրական իղձերն ու ցանկությունները: Պարտիան, կառուցելով իր գործունեությունը մարքսիզմ-լենինիզմի գրանիտե հիմքերի վրա, միշտ անհաշտ ու անողոք է իր բոլոր թշնամիների դեմ, հզոր ու անպարտելի է իր շարքերի միասնությամբ ու գաղափարական անաղարտությամբ: Պարտիայի ամբողջանք զարնվելով՝ փշրվեցին այնպիսի թշնամական հոսանքներ, ինչպես մենշևիզմը, էսեռականությունը, տրոցկիզմը, աջ թեքումը, բուլժուական նացիոնալիզմը և այլն: Առանց այդ հոսանքների մերկացման ու ջախջախ-

— 6 —

ման դժվար էր պատկերացնել թե՛ բանվոր դասակարգի և գյուղացիության տարած հաղթանակը Հոկտեմբերին, թե՛ սոցիալիստական հասարակարգի կառուցումը:

Սովետական Միության Կոմսնիստական պարտիայի քաղաքականության փայլուն հաղթանակներից մեկը մեր երկրի բազմազգ ժողովուրդների միջև եղբայրական անխախտ բարեկամության ստեղծումն է ու նրանց փոխադարձ կապերի ամրապնդումը:

Հոկտեմբերյան ռևոլյուցիան մեկընդմիշտ վերջ տվեց ցարական Ռուսաստանի տերիտորիայի վրա ապրող ժողովուրդների ինչպես սոցիալական, այնպես էլ ազգային ճնշմանը, լայն հնարավորություններ ստեղծեց նրանց տնտեսական, քաղաքական և կուլտուրական կյանքի արագ ու անկաշկանդ զարգացման ու ծաղկման, բոլոր աշխատավորների բարեկամության ամրապնդման համար:

Հոկտեմբերյան ռևոլյուցիան ՍՍՌՄ մշտաբոլոր ժողովուրդների հետ միասին վերածնեց և աննախընթաց զարգացման հնարավորություններ տվեց նաև բազմաշարժար հայ ժողովրդին: Ինչպես ասել է սովետահայ մեծատաղանդ բանաստեղծ Նզիշե Չարենցը, հաջ ժողովրդին.

— 7 —



Երկինք մի մաքուր, արև մի բոսոր,  
Լոկ հոկաեմբերյան հողմերը տվին:

Սովետական Հայաստանը Մեծ Հոկտեմբերի զավակն է, մարքսիզմ-լենինիզմի աշխարհաշեն գաղափարների մարմնացման ամենափայլուն օրինակներից մեկը:

1. Յարիզմի տապալման լուրը մեծ խանդավառությամբ ընդունվեց ինչպես ամբողջ Ռուսաստանի, այնպես էլ Անդրկովկասի աշխատավոր մասսաների կողմից, որոնք ոտքի ելան «Կորչի՛ ցարը», «Հա՛ց», «Հո՛ղ», «հաղաղությո՛ւն» լոզունգներով:

Բուրժուազիայի դեմ բանվորների և գյուղացիների ռևոլյուցիոն պայքարի կազմակերպիչն ու ռգեշնչողը Կոմունիստական պարտիան էր: Ղեկավարվելով լենինյան հռչակավոր Ապրիլյան թեզիսներով, Անդրկովկասի, այդ թվում Հայաստանի բոլշևիկյան կազմակերպությունները եռանդուն պայքար ծավալեցին բուրժուա-դեմոկրատական ռևոլյուցիայից սոցիալիստականին անցնելու պարտիայի քաղաքականության կենսագործման համար:

Պարտիայի VI համագումարը, ելնելով երկրում հուլիսյան ցույցերի գնդակոծումից հետո ամբողջ իշխանությունը բուրժուազիայի ձեռքում կենտրոնացվելու փաստից, լենինի

— 8 —

ցուցումներին համապատասխան, զինված ապստամբության կուրս վերցրեց: Ղեկավարվելով համագումարի որոշումներով, Անդրկովկասի բոլշևիկյան կազմակերպությունները բացատրում էին մասսաներին երկրում ստեղծված իրադրության պատճառները, մերկացնում համաձայնողական պարտիաների և բուրժուա-նացիոնալիստական տեժերի հակաժողովրդական քաղաքականությունը և ռեվոլյուցիոն բանվորներին ու գյուղացիներին համախմբում զինված ապստամբության միջոցով իշխանությունը բուրժուազիայից խլելու լենինյան լոզունգի շուրջը:

Հոկտեմբերյան ռևոլյուցիայի նախապարաստման շեմքին Անդրկովկասի բոլշևիկյան կազմակերպությունների կյանքում խոշոր նշանակություն ունեցավ Վ. Ի. Լենինի հավատարիմ զինակից Ստեփան Շահումյանի գլխավորությամբ կայացած՝ Կովկասի բոլշևիկյան կազմակերպությունների երկրային առաջին համագումարը, որը լիովին պաշտպանեց պարտիայի VI համագումարի որոշումները:

2. 1917 թվականի Հոկտեմբերին Պետրոգրադի ապստամբ բանվորներն ու զինվորները տապալեցին բուրժուական ժամանակավոր կառավարությունը: Սովետների Հա-

— 9 —



մառուսաստանյան երկրորդ համագումարը հռչակեց ամբողջ պետական իշխանության անցումը Սովետների ձեռքը և կազմեց Բանվորա-գյուղացիական կառավարություն՝ Վ. Ի. Լենինի գլխավորությամբ: Մարդկության համաշխարհային պատմության մեջ առաջինը մեր երկրում հաստատվեց բանվոր դասակարգի դիկտատուրա:

Ռևոլյուցիայի հաղթանակի առաջին օրը, Բանվորների ու գինվորների դեպուտատների Պետրոգրադի Սովետի նիստի ամբիոնից, ի լուր աշխարհի Վ. Ի. Լենինը հայտարարեց. «Ընկերներ, Բանվորական և գյուղացիական ռևոլյուցիան, որի անհրաժեշտության մասին միշտ խոսում էին բոլշևիկները, կատարվեց:

...Այսուհետև նոր շրջան է սկսվում Ռուսաստանի պատմության մեջ, և տվյալ երրորդ ռուսական ռևոլյուցիան վերջին հաշվով պետք է հասցնի սոցիալիզմի հաղթանակին»: (Վ. Ի. Լենին, Երկեր, հ. 26, էջ 284):

Մեծ Հոկտեմբերի հաղթանակը հսկայական ռևոլյուցիոն ալիք առաջացրեց Անդրկովկասում: Կոմունիստական պարտիայի գլխավորությամբ Հայաստանի, Վրաստանի և Ադրբեջանի բանվորներն ու գյուղացիները Կովկասյան ռազմաճակատի ռևոլյուցիոն

— 10 —

գինվորների հետ միասին պայքարի ելան հանուն Սովետական իշխանության: 1918 թվականի ապրիլին Բաքվի հերոսական Կոմունայի ստեղծումը հանդիսացավ այդ պայքարի խոշորագույն արդյունքը: Կոմունան առաջինը բարձրացնելով Հոկտեմբերի դրոշը Անդրկովկասում, մեծ դեր խաղաց երկրամասում ռևոլյուցիոն շարժումները ծավալելու գործում:

3. Անդրկովկասում ստեղծված ռևոլյուցիոն սիտուացիան սարսափեցրեց մենշևիկներին, դաշնականներին, մուսավաթականներին և օտարերկրյա իմպերիալիստներին: Անտանտայի և ԱՄՆ-ի իմպերիալիստների օգնությամբ Անդրկովկասի բուրժուա-նացիոնալիստական պարտիաները շտապեցին իշխանությունը զավթել և 1917 թվականի նոյեմբերի կեսերին ստեղծեցին Անդրկովկասյան կոմիսարիատը: Դա մենշևիկներին, դաշնականների և մուսավաթականների հակառևոլյուցիոն կռիվիցիան էր, որը իմպերիալիստական պետությունների ձեռքում գործիք էր Անդրկովկասը Սովետական Ռուսաստանից անջատելու, հակասովետական ռազմական պլացդարմի վերածելու համար: Անդրկովկասի ռևոլյուցիոն բանվորները և գյուղացիները չճանաչեցին այդ հակառևոլյուցիոն իշ-

— 11 —



խանությունը և բուշէիկների գլխավորութեամբ պայքարի ելան նրա դեմ: Սակայն Անգլիայի և ԱՄՆ-ի իմպերիալիստների անմիջական օգնութեամբ բուրժուական նացիոնալիստներին հաջողվեց իշխանությունը ժամանակավորապես պահել իրենց ձեռքում:

4. Անդրկովկասյան կոմիսարիատի վարած հակառեուլուցիոն քաղաքականութիւնը գերմանա-թուրքական զավթիչներին հնարավորութիւն տվեց բացահայտ զինված ինտերվենցիա կազմակերպել Անդրկովկասում:

Անդրկովկասի կոմիսարիատին հաջորդեց սեյմը, որն իր հակաժողովրդական գործունեութեամբ ոչնչով չէր տարբերվում իր նախորդից: 1918 թվականի մայիսին սեյմը ցրվեց և ստեղծվեցին Հայաստանի, Վրաստանի, Ադրբեջանի մարիոնետային բուրժուա-նացիոնալիստական կառավարութիւնները: Հայաստանում իշխանութիւնը զավթեցին դաշնակները, որոնց անփառունակ տիրապետութեան օրով հայ ժողովուրդն ապրեց իր բազմադարյան պատմութեան ամենամռայլ օրերը: Հայաստանը վերածվեց սովի, աղքատութեան, վայրենի կամայականութիւնների երկրի:

Առաջին համաշխարհային պատերազմում գերմանական բլոկի կրած պարտութիւնից

— 12 —

հետո Անդրկովկասը, այդ թվում նաև Հայաստանը օկուպացիայի ենթարկվեց Անգլիական զորքերի կողմից: Անտանտայի և ԱՄՆ-ի իմպերիալիստները ձգտում էին իրենց տիրապետութիւնը հաստատել Հայաստանի նկատմամբ, այն ոչ միայն Սովետական Ռուսաստանի դեմ օգտագործելու, այլև Մերձավոր ու Միջին Արևելքում իրենց դիրքերն ամրապնդելու համար:

5. Հայաստանի բանվորների և գյուղացիների հերոսական պայքարը նացիոնալիստական հակառեուլուցիայի ու օտարերկրյա իմպերիալիստների դեմ հանուն Սովետական իշխանութեան գլխավորելու գործում հսկայական դեր խաղաց Հայաստանի բուշէիկյան կազմակերպութիւնների կազմակերպական միավորումը: 1919 թվականի սեպտեմբերին տեղի ունեցավ ՌԿ(բ)Պ Հայաստանի Կոմունիստական կազմակերպութիւնների ներկայացուցիչների խորհրդակցութիւնը, իսկ 1920 թվականի հունվարին՝ առաջին անլեգալ կոնֆերանսը: Կոնֆերանսը Հայաստանի Կոմունիստական կազմակերպութիւնների առաջնահերթ խնդիրը համարեց ռեուլուցիոն ճանապարհով դաշնակների իշխանութեան տապալումը:

6. 1920 թվականի մայիսին Հայաստանի

— 13 —



բանվորները և գյուղացիները՝ Կոմունիստական պարտիայի գլխավորութեամբ զինված ապստամբութեան բարձրացրին դաշնակների ու նրանց անգլո-ամերիկյան տերերի դեմ, Ալեքսանդրոպոլում, Ղարսում, Նոր-Բայազետում, Սարիղամիշում, Զանգեզուրում և մի շարք այլ վայրերում իշխանութիւնը ապստամբութեան օրերին գտնվում էր բանվորների և գյուղացիների ձեռքում: Սակայն օտարերկրյա իմպերիալիստների և անդրկովկասյան հակառակույցիոն ուժերի օգնութեամբ դաշնակներին հաջողվեց ճնշել ապստամբութիւնը: Մայիսյան ապստամբութիւնը խոշոր դեր խաղաց Հայաստանի ռեւոլյուցիոն շարժման պատմութեան մեջ, հանդիսացավ նրա հերոսական էջերից մեկը, մասսաների ռեւոլյուցիոն դաստիարակութեան դպրոցը:

Մայիսյան ապստամբութեան ճնշումից հետո դաշնակները երկրում է՛լ ավելի ուժեղացրին տեռորը. հարյուրավոր Կոմունիստներ և ապստամբութեան աչքի ընկնող մասնակիցներ նետվեցին բանտերը: Աշխատավոր ժողովրդի բազմաթիւ անձնվեր զավակներ իրենց սքանչելի կյանքը նվիրաբերեցին ռեւոլյուցիայի գործին, Հայաստանում սովետական կարգերի հաստատման գործին:

— 14 —

7. Հայաստանում փնտրով հասունանում էր ռեւոլյուցիոն իրադրութիւնը: Դաշնակ բախտախնդիրները ձեռնարկում էին բոլոր միջոցները բանվորների և գյուղացիների ռեւոլյուցիոն ելույթները ճնշելու համար: Անտանտայի իմպերիալիստների դրդմամբ 1920 թվականի աշնանը բռնկվեց հայ-թուրքական նոր պատերազմ: Թուրքական զավթիչների նոր ներխուժումը Հայաստան հայ ժողովրդին բերեց նորանոր զրկանքներ ու տառապանքներ: Անտանտայի և ԱՄՆ-ի իմպերիալիստները նպատակ ունեին հայ-թուրքական պատերազմը օգտագործել Թուրքիային Սովետական Ռուսաստանի դեմ հանելու և հակասովետական նոր ինտերվենցիա կազմակերպելու համար:

Հայ ժողովուրդը կանգնած էր ֆիզիկական բնաջնջման վտանգի առաջ: Նրա փրկութեան, ազգային վերածննդի միակ ելքը Հայաստանում Սովետական կարգերի հաստատումն էր:

8. 1920 թվականի նոյեմբերի 29-ին Հայաստանի ապստամբ բանվորներն ու գյուղացիները՝ Կոմունիստական պարտիայի գլխավորութեամբ, ռուս մեծ ժողովրդի և XI Կարմիր Բանակի օգնութեամբ տապալեցին դաշնակների բռնապետութիւնը և երկրում



հաստատեցին Սովետական իշխանություն։ Մեծ Հոկտեմբերի արշավույսը բացվեց նաև հայոց լեռնաշխարհի վրա։ Հայ ժողովուրդը մեկընդմիջ ազատագրվեց սոցիալական և ազգային ճնշումից, սկսեց կերտել իր նոր երջանիկ սոցիալիստական կյանքը։ Իմպերիալիզմի ճնշումից ազատագրված աշխատավորական Սովետական Հայաստանին ջերմորեն ողջունեց պրոլետարիատի հանձարեղ առաջնորդ և ուսուցիչ Վ. Ի. Լենինը։

«Թո՛ղ իմանան բոլորը, ում հարկ է գիտենալ,— գրել է Ի. Վ. Ստալինը այդ օրերին,—որ այսպես կոչված հայկական «պրոլետար», որի վրա ապարդյուն գլուխ էին ջարդում իմպերիալիստական դիվանագիտության հին գալլերը, կարողացավ լուծել միայն Սովետական իշխանությունը»։

9. Սովետական կառավարությունը Վ. Ի. Լենինի նախաձեռնությամբ հսկայական օգնություն կազմակերպեց ազատագրված հայ ժողովրդին՝ սոցիալիստական նոր կյանք կառուցելու համար։ 1920 թվականի վերջերին ՌՍՖՍՌ-ի կառավարությունը Վ. Ի. Լենինի նախագահությամբ որոշում ընդունեց Հայաստանին տալ 3 միլիարդ ռուբլի (600.000 ռուբլի՝ ոսկով)։ 1920—1921 թ. թ. Սովետական Ռուսաստանը Հայաստան ուղարկեց մեծ

— 16 —

քանակությամբ արդյունաբերական ապրանքներ և պարենամթերք։ Հայաստանի աշխատավորությանը զգալի օգնություն ցույց տվեցին նաև Սովետական Ադրբեջանը, Իվանովո-Վոզնեսենսկի բանվորները և երկրի այլ մարզերի աշխատավորները։

10. Հայ ժողովրդի ոխերիմ թշնամիներ դաշնակներն ստանալով իմպերիալիստական պետությունների և վրացական մենշևիկների օգնությունը, 1921 թվականի փետրվարին դիմեցին հակառևոլյուցիոն ավանտյուրայի։ Կոմունիստական պարտիայի կողով Հայաստանի բանվորները և գյուղացիները, Կարմիր Բանակի զորամասերի օգնությամբ, կարճ ժամանակամիջոցում ջախջախեցին այդ ավանտյուրան։ Զախողվեցին իմպերիալիստական պետությունների կողմից Հայաստանը գաղութացնելու նոր փորձերը։

11. Հայաստանը՝ ցարական Ռուսաստանի այդ երբեմնի հետամնաց ծայրամասը, դաշնակների ողորմածությամբ քաղցի, հրի ու սրի մատնված երկիրը Սովետական իշխանության տարիներին՝ Կոմունիստական պարտիայի լենինյան ազգային քաղաքականության հետևողական ու անշեղ կենսագործման, ռուս մեծ ժողովրդի և ՍՍՌՄ մյուս ժողովուրդների եղբայրական ու անշահախնդիր



օգնության շնորհիվ, պատմական կարճ ժամանակամիջոցում, վիթխարի թուխք կատարեց հետամնացությունից դեպի պրոգրես, դարձավ բարձր զարգացած սոցիալիստական ինդուստրիայի, կոլտնտեսային առաջավոր գյուղատնտեսության, ձևով ազգային, բովանդակությամբ սոցիալիստական ծաղկող կուլտուրայի երկիր:

Սոցիալիզմի շինարարության հաջող ծավալման գործում հայ ժողովրդի համար անդնահատելի նշանակություն ունեցավ Վ. Ի. Լենինի Կովկասի կոմունիստներին 1921 թվականի ապրիլին ուղղած նշանավոր նամակը, որի մեջ հանճարեղ պարզությամբ շարադրված էր Կովկասի բոլշևիկների և ամբողջ աշխատավորության աշխատանքի ու պայքարի մարտական ծրագիրը: Մեծ առաջնորդը պահանջում էր անմիջապես ձեռնամուխ լինել էլեկտրիֆիկացման ու ոռոգման գործին, որը «ամենից ավելի է պետք և ամենից ավելի կվերաստեղծի երկիրը, կվերանորոգի նրան, կթաղի անցյալը, կամրապնդի անցումը դեպի սոցիալիզմ» (Վ. Ի. Լենին, Երկեր, հ. 32, էջ՝ 404): Կովկասի մյուս ժողովուրդների հետ միասին հայ ժողովուրդը պատվով կատարեց մեծ առաջնորդի պատգամները:

— 18 —

Անդրկովկասի ժողովուրդների տնտեսական, կուլտուրական և քաղաքական ջանքերի միավորման գործում կարևոր նշանակություն ունեցավ Անդրֆեդերացիայի ստեղծումը (1922—1936 թ. թ.), որը Կոմունիստական պարտիայի լենինյան ազգային քաղաքականության վառ արտահայտությունն էր:

Սովետական ժողովուրդների եղբայրական բարեկամության ցեմենտող ուժը Կոմունիստական պարտիան է, որը անշեղորեն դեկավարվում է պրոլետարական ինտերնացիոնալիզմի և ազգերի համերաշխության լենինյան դադափարներով: «Մենք ազգերի կամավոր միություն ենք ուզում, — ասում է՝ Վ. Ի. Լենինը, — այնպիսի միություն, որը ո՛չ մի բռնություն չթույլատրեր մի ազգի կողմից մյուսի վրա, այնպիսի միություն, որը հիմնված լիներ ամենալրիվ վստահության վրա, եղբայրական միասնության պարզ գիտակցության վրա, լիովին կամավոր համաձայնության վրա» (Վ. Ի. Լենին. Երկեր, հ. 30, էջ՝ 368): ՍՍՌՄ ժողովուրդների 40-ամյա փորձը պերճախոս կերպով հաստատում է Կոմունիստական պարտիայի լենինյան ազգային քաղաքականության կենսունակությունը,

— 19 —



ցույց է տալիս ազգային հարցի լուծման միակ ճիշտ ուղին:

12. Սոցիալիստական ինդուստրացումը լիովին փոխեց Սովետական Հայաստանի դեմքը: Ռեսպուբլիկայի ամբողջ ժողովրդական տնտեսությունը նախապատերազմյան հնգամյակների տարիներին տեխնիկական արմատական վերակառուցման ենթարկվեց և բարձր մակարդակի հասավ: 1940 թվականին ռեսպուբլիկայի արդյունաբերական արտադրանքը 1913 թվականի համեմատությամբ ավելացավ 21 անգամ: Ժողովրդական տնտեսության մեջ արդյունաբերական արտադրանքի տեսակարար կշիռը հասավ 80%-ի:

Այդ տարիներին արմատապես վերակառուցվեց պղնձի արդյունաբերությունը Զանգեզուրում և Ալավերդիում, հայտնաբերվեցին գոմավոր մետաղների նոր վիթխարի պաշարներ, կառուցվեցին արդյունաբերական նոր, խոշոր ձեռնարկություններ: Երևանում, Լենինականում, Կիրովականում, Ալավերդիում, Ղափանում և այլ վայրերում վեր խոյացան ժամանակակից տեխնիկայով հագեցված գործարանների, ֆաբրիկաների և հիդրոէլեկտրակայանների հսկա կորպուսները:

Ծանր ինդուստրիայի բազայի վրա լայն

— 20 —

թափով զարգացավ նաև թեթև ու սննդի արդյունաբերությունը:

13. Սովետական իշխանության տարիներին ռեսպուբլիկայում հաջողությամբ լուծվեց կոոպերացիայի լենինյան պլանի հիման վրա անհատական գյուղացիական տնտեսությունների սոցիալիստական վերակառուցման դժվարագույն խնդիրը: Երկրորդ հընգամյակում հիմնականում ավարտվեց գյուղատնտեսության կոլեկտիվացումը: 1937 թվականին գյուղացիական տնտեսությունների մոտ 90 տոկոսը մտել էր կոլտնտեսությունների մեջ, որոնց ձեռքին էր գտնվում բոլոր ցանքատարածությունների 95,6 տոկոսը:

Նախապատերազմյան հնգամյակների տարիներին առանձնահատուկ ուշադրություն դարձվեց ոռոգման սիստեմի ընդլայնման ու վերակառուցման վրա, բոլոր շրջաններում ստեղծվեցին ՄՏ կայաններ, կազմակերպվեցին բազմաթիվ սովխտզներ: Գյուղատնտեսության մեջ ավելացավ հանրային հոտի գլխաքանակը, բարելավվեց նրա ցեղախնությունը, բարձրացավ անասունների մթերատվությունը:

Այս ամենի շնորհիվ Հայաստանի գյուղատնտեսության համախառն արտադրանքը

— 21 —



1940 թվականին՝ 1913 թվականի համեմատությամբ՝ աճեց 56 տոկոսով, իսկ ապրանքայնությունը բարձրացավ մինչև 50 տոկոսի։ Երկրի ինդուստրացման և գյուղատնտեսության կուլեկտիվացման բնագավառում պարտիայի քաղաքականության հաղթանակն է՝ ավելի ամրապնդեց բանվոր դասակարգի և գյուղացիության դաշինքը, բարձրացրեց բանվորների և գյուղացիների սոցիալիստական գիտակցականությունը, նրանց դարձրեց կոմունիստական հասարակարգի ակտիվ կուռուցողներ։

14. Սովետական իշխանության տարիներին ռեսպուբլիկայում իրագործվեց կուլտուրական ռեուլյուցիա, բոլոր պայմաններն ըստեղծվեցին աշխատավորությանը՝ բանվորներին և գյուղացիներին կրթված ու կուլտուրական դարձնելու համար։ Առաջին և երկրորդ հնգամյակների տարիներին ռեսպուբլիկայում մտցվեց ընդհանուր պարտադիր տարրական, իսկ այնուհետև յոթնամյա կրթություն, զարկ տրվեց միջնակարգ և բարձրագույն դպրոցների ցանցի ընդարձակմանը։ Ժողովրդական տնտեսության տարբեր բնագավառների համար ռեսպուբլիկայի ԲՈՒՀ-երը մինչև 1940 թվականը պատրաստեցին 7.268 մասնագետ, տեխնիկոմները և այլ

— 22 —

միջնակարգ մասնագիտական ուսումնական հաստատությունները՝ 13.300 մասնագետ։ Նախապատերազմյան տարիներին ռեսպուբլիկայում մեծ աշխատանք կատարվեց կուլտուր-լուսավորական հիմնարկների ստեղծման ուղղությամբ։

Սոցիալիզմի հաղթանակն ապահովեց աշխատավորների նյութական բարեկեցության բարձրացումը, հասարակության բոլոր անդամների նյութական ու հոգևոր տեժերի բազմակողմանի զարգացումը։

15. Սովետական ժողովրդի խաղաղ ստեղծագործ աշխատանքն ընդհատվեց 1941 թվականի հունիսի 22-ին մեր Հայրենիքի վրա հիտլերյան Գերմանիայի տախտադրուժ հարձակումով։ Կոմունիստական պարտիայի կոչով մեր ժողովուրդը մեկ մարդու նման ոտքի ելավ պաշտպանելու Մեծ Հոկտեմբերի նվաճումները։ Մեր Հայրենիքը վերածվեց միասնական մարտական լագերի։ Պատերազմի տարիներին է՛լ ավելի աճեց ու ամրապնդվեց Սովետական Միության ժողովուրդների բարեկամությունն ու եղբայրական համագործակցությունը։

Պատերազմի առաջին իսկ օրից մինչև նրա հաղթական ավարտը հայ ժողովուրդը, ՍՍՌՄ բազմազգ ժողովուրդների հետ միա-

սին ուս-ուսի տված, անձնվիրաբար պայ-  
քարեց մեր Հայրենիքի ազատութիւնն ու  
անկախութիւնը պաշտպանելու համար: Հայ  
Ժողովուրդը ռազմաճակատի իր զավակներին  
ուղղած նշանավոր նամակում կոչ արեց՝  
«Արեւմուտք շարժվելով միայն դուք կարա-  
գացնեք Ձեր հաղթական վերադարձը դեպի  
Հայրենի տուն՝ մայր Հայաստան: Տուն չվե-  
րադառնալ՝ մինչև Բեռլինի վրա չծածանվի  
հաղթանակի դրոշը»:

Հայաստանի զավակները անօրինակ սրի-  
րագործութիւններ կատարեցին ռազմաճա-  
կատներում: Նրանք իրենց ավանդը մտցրե-  
ցին հերոս քաղաքների Մոսկվայի, Լենինգրա-  
դի, Սեվաստոպոլի, Օդեսայի, Ստալինգրադի  
պաշտպանութեան գործում, մարտնչեցին  
ռազմաճակատի բոլոր հատվածներում, ալ-  
տիվորեն մասնակցեցին Բեռլինի վրա Հաղ-  
թանակի դրոշի բարձրացմանը: Գերմանա-  
ֆաշիստական զավթիչների դեմ մղված մար-  
տերում ցուցաբերած խիզախութեան և արի-  
ւութեան համար հայ ժողովրդի քաջարի զա-  
վակներից 106 մարդու շնորհիւց Ստվետա-  
կան Միութեան Հերոսի կոչում, 50 հայ սպա-  
ների՝ գեներալի կոչում, մոտ 67 հազար հայ  
ռազմիկներ պարգևատրվեցին ՍՍՌՄ շքանը-  
շաններով ու մեդալներով:

— 24 —

16. Հայրենական Մեծ պատերազմի տա-  
րիներին անօրինակ սխրագործութիւններ  
կատարեցին Հայաստանի բանվորները, կոլ-  
տնտեսային գյուղացիութիւնը և ինտելիգեն-  
ցիան: «Ամեն ինչ ռազմաճակատի համար,  
ամեն ինչ հաղթանակի համար» նշանաբա-  
նով թիկունքի աշխատավորները ժամանակին  
կատարում էին ռազմաճակատի պահանջ-  
ները, օր-օրի վրա բարձրացնում աշխատան-  
քի արտադրողականութիւնը: Հաղթահարելով  
բոլոր տեսակի զրկանքներն ու դժվարու-  
թիւնները, աշխատանքային քաջագործու-  
թիւններ կատարեցին Ստվետական Հայաս-  
տանի կանայք, պատանիներն ու աղջիկները:

Ստվետական Հայաստանի աշխատավոր-  
ների հայրենասիրական շարժումը՝ թիկուն-  
քում և Կարմիր Բանակի մարտիկների քա-  
ջագործութիւնները ռազմաճակատում, ան-  
կեղծ ոգևորութիւն առաջացրին արտասահ-  
մանյան երկրների հայ աշխատավորութեան  
մեջ: Ֆաշիզմի դեմ մարտնչող Կարմիր Բա-  
նակի ռազմիկների սխրագործութիւններով  
ոգեշնչված՝ Սփյուռքի հայ աշխատավորու-  
թիւնը ամեն կերպ օգնում և աջակցում էր  
որպեսզի օր առաջ ջախջախվի ֆաշիզմը, Ժո-  
ղովուրդների վրա ծածանվի խաղաղութեան  
դրոշը: Սփյուռքի հայ աշխատավորութիւնը



լավ էր պիտակցում, որ Սովետական Միությանը միակ տեղն է, որը կարող է ոչնչացնել գերմանա-ֆաշիստական զավթիչներին, փրկել համաշխարհային քաղաքակրթությունը ֆաշիստական բնաջնջումից, պաշտպանել ՍՍՌՄ բոլոր եղբայրական ժողովուրդների, այդ թվում և հայ ժողովրդի պետականությունը, անկախությունն ու ազատությունը:

17. Սովետական ժողովուրդը երկրորդ համաշխարհային պատերազմում ջախջախելով գերմանական ֆաշիզմն ու ճապոնական միլիտարիզմը, պաշտպանեց մեր Հայրենիքի պատիվը, ազատությունն ու անկախությունը, հնարավորություն ստացավ վերսկսելու կոմունիստական շինարարությունը:

Սովետական ամբողջ ժողովրդի հետ միասին Հայաստանի աշխատավորները նոր հաջողությունների հասան հետպատերազմյան տարիներին: Բուռն թափով զարգացավ ռեսպուբլիկայի արդյունաբերությունը, գյուղատնտեսությունը և կուլտուրան:

Հայկական ՍՍՌ-ն այժմ ունի զարգացած էներգետիկ, քիմիական, լեռնային, մեքենաշինական, շինանյութերի, տեքստիլ-տրիկոտաժի, սննդի արդյունաբերություն և արտադրության այլ ճյուղեր: Ռեսպուբլիկայի արդյունաբերական ձեռնարկությունները երկրին

— 26 —

տալիս են ոլլինձ, ալյումին, մետաղահատ հաստոցներ, գեներատորներ, տրանսֆորմատորներ, շարժական էլեկտրակայաններ, հիդրոտուրբիններ, էլեկտրաճշգրիտ գործիքներ, կարբիդ, ցեմենտ, հրակայուն աղյուս և այլն: Միայն հինգերորդ հնգամյակի ընթացքում կառուցվել ու շահագործման է հանձնվել 40-ից ավելի արտադրական խոշոր ձեռնարկություն: Ռեսպուբլիկայի արդյունաբերական արտադրանքի մի շարք տեսակներ ուղարկվում են ՍՍՌՄ-ի շատ ռեսպուբլիկաներ ու մարզեր, ինչպես նաև ժողովրդական դեմոկրատիայի ու այլ երկրներ: Ռեսպուբլիկայի արդյունաբերական արտադրանքի ծավալը 1913 թվականի համեմատությամբ աճել է 45 անգամ, ընդ որում խոշոր արդյունաբերության մեջ՝ 136 անգամ:

Սովետական Հայաստանի արդյունաբերությունն այժմ մեկ օրում այնքան արտադրանք է տալիս, որքան տվել է նախառևոլյուցիոն Հայաստանը ամբողջ 1919 թվականին: Արդյունաբերության համախառն արտադրանքի ծավալը 1956 թվականին՝ 1950 թվականի համեմատությամբ՝ կրկնապատկվել է, իսկ 1940 թվականի համեմատությամբ աճել է մոտ 5,2 անգամ:

Բուռն թափով զարգանում է մեքենաշինու-

թյունը, որի արտադրանքի թողարկումը 1913 թվականի համեմատությամբ ավելացել է 328 անգամ, 1940 թվականի համեմատությամբ՝ 21 անգամ, իսկ 1950 թվականի համեմատությամբ՝ 3 անգամ:

Մեր ռեսպուբլիկան դարձել է բարձր զարգացած գունավոր մետալուրգիայի երկիր: Գունավոր մետալուրգիայի ձեռնարկությունների թողարկած արտադրանքի ծավալը 1955 թվականին՝ 1950 թվականի համեմատությամբ՝ ավելացել է 3,4 անգամ: Նախասովետական Հայաստանը քիմիական արդյունաբերություն չուներ, այժմ ռեսպուբլիկայում գործում են քիմիական արդյունաբերության՝ նորագույն տեխնիկայով հագեցված խոշոր ձեռնարկություններ, որոնց արտադրանքը 1950 թվականի համեմատությամբ հինգերորդ հնգամյակի վերջում ավելացավ 2,7 անգամ:

Հայաստանի աշխատավորները առանձնապես մեծ հաջողությունների են հասել հրկրի էլեկտրիֆիկացման վերաբերյալ Վ. Ի. Լենինի պատգամների կենսագործման ասպարեզում: 1913 թվականին Հայաստանում կար ընդամենը 10 մանր էլեկտրակայան՝ 3.100 կիլովատ ընդհանուր կարողությամբ, տարեկան 5,1 միլիոն կիլովատ-ժամ էլեկտրաէներգիայի արտադրությամբ: 1913 թվականի համե-

— 28 —

մատությամբ 1956 թվականին էլեկտրաէներգիայի արտադրությունն ավելացել է 450 անգամ: Այդ նշանակում է, որ այժմ ռեսպուբլիկայի էլեկտրակայանները մեկ օրում ավելի շատ էլեկտրաէներգիա են արտադրում, քան արտադրվել է ամբողջ 1913 թվականի ընթացքում: Բնակչության մեկ շնչին ընկնող էլեկտրաէներգիայի արտադրությամբ Հայաստանն առաջ է անցել կապիտալիստական այնպիսի երկրներից, ինչպես Ֆրանսիան և Հոլանդիան: Մեզ մոտ բնակչության մեկ շնչին երկու անգամ ավելի էլեկտրաէներգիա է ընկնում քան Իտալիայում և Ճապոնիայում: Ներկայումս Հայաստանը երկու անգամ ավելի էլեկտրաէներգիա է արտադրում, քան Թուրքիան:

Ծանր արդյունաբերության զարգացման ասպարեզում ձեռք բերած հաջողությունների հիման վրա անշեղորեն աճում է ժողովրդական սպառման ապրանքների արտադրությունը: 1956 թվականին տեքստիլ արդյունաբերության արտադրանքը՝ 1913 թվականի համեմատությամբ՝ ավելացել է 66 անգամ, սննդարդյունաբերությանը՝ 18 անգամ: Ներկայումս ռեսպուբլիկան արտադրում է ժողովրդական սպառման ավելի քան 400 տեսակի ապրանքներ:



Վեցերորդ հնգամյակում նոր, ավելի լայն հեռանկարներ են բացվում ռեսպուբլիկայի արդյունաբերության զարգացման համար: Արդյունաբերության համախառն արտադրանքն ավելանալու է 1,7 անգամ, էլեկտրաէներգիայի արտադրությունը 1,3 անգամ, գունավոր մետաղներինը՝ ավելի քան 3 անգամ, հանքային պարարտանյութերինը՝ 1,6 անգամ, ցեմենտինը՝ 2 անգամ: Ծանր արդյունաբերության բոլոր ճյուղերի զարգացման հետ միասին վեցերորդ հնգամյակում զգալիորեն աճելու է ժողովրդական սպառման ապրանքների արտադրությունը:

Սովետական իշխանության տարիներին ռեսպուբլիկայում լայնորեն ծավալվել է բնակարանային շինարարությունը: Եթե առաջին հնգամյակի տարիներին պետական հիմնարկ-ձեռնարկությունների գծով կառուցվել էր 186 հազար քառ. մետր բնակելի տարածություն, ապա հինգերորդ հնգամյակում այն հասավ 611 հազար քառ. մետրի: Հինգերորդ հնգամյակում կառուցվել են 475 հազար քառ. մետր տարածությամբ անհատական բնակարաններ 1956—60 թ. թ. կառուցվելու են 2,1 միլիոն քառ. մետր ընդհանուր տարածությամբ բնակելի շենքեր:

18. ՍՄԿՊ XX համագումարի պատմական

— 30 —

բրոշուրների հաջող կենսագործման, կոմունիզմի ուղիով սովետական ժողովրդի հետևողական առաջընթացի համար բացառիկ նշանակություն ունի արդյունաբերության և շինարարության կառավարման վերակառուցումը:

Այդ ուղղությամբ պարտիայի և կառավարության վերառած միջոցառումները լայն հնարավորություն են տալիս բարձրացնելու մասնաձևերի ակտիվությունը, բացահայտելու և լրիվ կերպով օգտագործելու սոցիալիստական տնտեսության ընդերքում թաքնված ռեզերվները, դրանք ի սպաս դնելու կոմունիզմի կառուցման գործին:

Պարտիայի և կառավարության տրոշումների համաձայն Հայկական ՍՄՌ-ն դարձել է ինքնուրույն տնտեսական շրջան, ստեղծված է Հայկական ՍՄՌ ժողովրդական Տնտեսության խորհուրդ: Ժողտնտխորհի առաջին քայլերը ցույց են տալիս պարտիայի և կառավարության նոր միջոցառման ուժն ու կենսունակությունը արդյունաբերության հետադա ավելի հզոր վերելքի վաղմուկերում գործում:

19. Հայաստանի դյուղատնտեսության աշխատողները, կենսագործելով ՍՄԿՊ Կենսակոմի. Սեպտեմբերյան պլենումի և պարտիա-

յի ու կառավարության մշուս որոշումները, վերջին տարիներին զգալի հաջողությունների են հասել գյուղատնտեսության մթերքների՝ կաթի, յուղի, մսի, բրդի արտադրությանն ավելացնելու գործում:

1955 թվականին, 1940 թվականի համեմատությամբ, կոլտնտեսությունների դրամական եկամուտներն աճել են 3 անգամ, անբաժանելի ֆոնդերը՝ 4 անգամ, արտադրության հիմնական միջոցները՝ 3,8 անգամ: Հինգերորդ հնգամյակում բամբակի համախառն բերքն ավելացավ 47 տոկոսով, շաքարի ճականդիներ՝ 50 տոկոսով, ծխախոտներ՝ 54 տոկոսով, բանջարեղեններ՝ 78 տոկոսով, խաղողներ՝ 29 տոկոսով: Զգալի հաջողություններ են ձեռք բերվել անասնաբուծության զարգացման ասպարեզում: Անասունների ընդհանուր փխաքանակն ավելացել է 21 տոկոսով, այդ թվում կովերինը՝ 36 տոկոսով, խոզերինը՝ 62 տոկոսով, ոչխարներինը՝ 47 տոկոսով: 1950 թվականին արտադրվել է միս (կենդանի քաշով) 16,2 հազար տոննա, կաթ՝ 133,4 հազար տոննա, բուրդ՝ 1.745 տոննա, ձու՝ 42,6 միլիոն հատ, իսկ 1956 թվականին արտադրվել է միս՝ 28,4 հազար տոննա, կաթ՝ 243,8 հազար

— 32 —

տոննա, բուրդ՝ 2.888 տոննա, ձու՝ 96,2 միլիոն հատ:

Զերմորեն արձագանքելով մոտակա տարիներին բնակչության մեկ շնչին ընկնող մսի, կաթի, յուղի արտադրությամբ ԱՄՆ-ին հասնելու՝ պարտիայի կողին և հաշվի առնելով իրենց հնարավորությունները, ռեսպուբլիկայի կոլտնտեսությունները պարտավորվել են 1957 թվականին յուրաքանչյուր հարյուր հեկտար հողատարածության դիմաց ստանալ 55 ցենտներ միս և 222 ցենտներ կաթ, իսկ 1960 թվականին՝ 82 ցենտներ միս, 352 ցենտներ կաթ: Մի շարք շրջաններ և բազմաթիվ կոլտնտեսություններ վերցրել են ավելի բարձր պարտավորություններ:

Ռեսպուբլիկայի աշխատավորներն զգալի աշխատանք են կատարել ոռոգման ցանցն ընդարձակելու համար, կառուցվել են տասնյակ ջրանցքներ, որոնք ոռոգում են հարյուր հազարավոր հեկտար հող: Արզնի—Շամիրամի, Թալինի, Կոտայքի ջրանցքների շինարարության ավարտումը հնարավորություն է կտա մոտակա տարիներին ոռոգել մինչև այժմ չօգտագործված հողերի հսկայական մասիվներ, որոնց բազայի վրա կազմակերպվելու են փաղողագործական և



նորոգարուծական սովորույթներ, ընդարձակվելու են ձեռածները:

20. Մաղկում է Սովետական Հայաստանի՝ ձևով ազգային, բովանդակությամբ սոցիալիստական մոլորություն: Եթե 1914 թվականին Հայաստանում գործում էր 459 դպրոց, որտեղ սովորում էին 34.700 աշակերտ և աշխատում 1.100 ուսուցիչ, ապա ռեպուրելիկայի 1.197 հանրակրթական դպրոցներում 1956—57 ուս. տարում սովորում էին մոտ 274.600 աշակերտ և աշխատում ավելի քան 18.600 ուսուցիչ: Նախասովետական Հայաստանում չկար ոչ մի քարձրագույն ուսումնական հաստատություն, այժմ Հայկական ՍՍՌ-ն ունի 12 քոլ, որտեղ սովորում է 20 հազարից ավելի ուսանող:

Հայաստանում բնակչության յուրաքանչյուր հազար մարդուն ընկնում է 45 անգամ ավելի սովորող, քան Իրանում, 11 անգամ ավելի, քան Թուրքիայում, 4 անգամ ավելի, քան Ֆրանսիայում: Ռեպուրելիկայի ժողովրդական տնտեսության մեջ 1957 թվականի սկզբում աշխատում էին 6.000 ինժեներ, 3.500 ագրոնոմ, լզոտեխնիկ և անասնաբույժ, 3.500 բժիշկ, 18.000 մանկավարժ, միջնակարգ մասնագիտական կրթություն ունեցող 25.900 մասնագետ:

— 34 —

Ռեպուրելիկայի Գիտությունների ակադեմիան, որն ստեղծվեց Հայրենական Մեծ պատերազմի ժանր տարիներին (1943 թ.)՝ իր գիտահետազոտական հիմնարկներով հսկայական ավանդ է մուծում սովետական գիտության զարգացման գործում, պայքարում է ՍՄԿՊ XX համագումարի կողմից մեր գիտության առջև դրված կարևոր նշանակություն ունեցող բազմաթիվ պրոբլեմների լուծման համար: Սովետահայ մի շարք գիտնականներ իրենց հետազոտություններով ընդհանուր ճանաչում են գտել մեր երկրում և նրա սահմաններից դուրս:

Մեծ են հայ ժողովրդի նվաճումները գրականության և արվեստի զարգացման գործում: Սովետահայ գրողները և արվեստագետները բազմաթիվ արժեքավոր ստեղծագործություններ են ստեղծում, որոնց մեջ արտացոլվում են մեր կյանքում կատարված մեծագույն վերափոխումները, սոցիալիզմի երկրի մարդկանց ստեղծագործական աշխատանքը և հերոսական առօրյան:

Սովետական իշխանության տարիներին ռեպուրելիկան ծածկվել է կուլտուր-լուսավորական հիմնարկների խիտ ցանցով. 1956 թվականին ռեպուրելիկայում գործում էր 1.662 մասսայական գրադարան՝ 1913 թվա-

կանին եղած 13-ի փոխարեն, 1.175 ակումբ, 20 թանգարան, 10 թատրոն, 378 կինոսարքավորում, 52 կուլտուրայի տուն և այլն: Գնալով աճում է հրատարակվող գրքերի, թերթերի, ամսագրերի քանակը: Այժմ ռեսպուբլիկայում լույս է տեսնում 76 թերթ, 13 ամսագիր: Հայ աշխատավորները մայրենի լեզվով կարդում են Մարքսի, Էնգելսի, Լենինի երկերը, համաշխարհային և ռուսական գրականության ականավոր ներկայացուցիչների ստեղծագործությունները:

Խոշոր աշխատանք է կատարված ժողովրդական առողջապահության և բնակչության բուժսպասարկումը բարելավելու բնագավառում: Եթե 1913 թվականին Հայաստանում կար ընդամենը 18 բուժհիմնարկություն, որտեղ աշխատում էր 73 բժիշկ, ապա 1955 թվականին գործում էր 235-ից ավելի բուժհիմնարկ, որտեղ աշխատում էր 3.357 բժիշկ: Աշխատավորների հանգստին և առողջապահությանն են ծառայում ռեսպուբլիկայի 19 սանատորիաները և 8 հանգստյան տները, քաղմաթիվ պիտենբրական ճամբարներն ու առողջապահական հրապարակները:

21. Հայ ժողովրդի նկատմամբ Կոմունիստական պարտիայի հոգատարության վստ

— 36 —

արտահայտություններից մեկն էլ աշխարհի տարբեր մասերում ցրված հայ աշխատավորության հայրենադարձության կազմակերպումն էր: Ինչպես հայտնի է, դեռևս նախապատերազմյան տարիներին Հայաստան էին ներգաղթել 31 հազար հայ աշխատավորներ Արտասահմանյան հայերի հայրենասիրական ձգտումներն էլ ավելի ուժեղացան Սովետական Հայաստանում կատարված վիժխարի սոցիալ-տնտեսական փոփոխությունների, էկոնոմիկայի և կուլտուրայի ասպարեզում ձեռք բերված հաջողությունների, Հայրենական պատերազմում ՍՍՌՄ համաշխարհային-պատմական հաղթանակների շնորհիվ:

Ընդառաջելով տարագիր հայ աշխատավորության խնդրանքին և Սովետական Հայաստանի կազմակերպությունների միջնորդությամբ, ՍՍՌՄ կառավարությունը 1946 թվականի վերջերին որոշում ընդունեց արտասահմանյան հայերի հայրենադարձության մասին: Այս անգամ էլ դաշնակների արյունոտ ձեռքը, շանտաժը պրոպոկանդիաները չկարողացան արգելակել հայ աշխատավորության հայրենիք վերադառնալու անհաղթահարելի ձգտումը, և 1946—1948 թրվականների ընթացքում մոտ 100 հազար



հայեր հնարավորութիւնն ստացան ներգաղթելու Սովետական Հայաստան: Հայաստանի աշխատավորները ջերմորեն դիմավորեցին հայրենադարձներին: Պետութիւնը բազմակողմանի օգնութիւն կազմակերպեց նրանց, ապահովելով աշխատանքով ու բնակարանով:

Վերածնված Հայաստանում իրենց եղբայրների և քույրերի հետ միասին, համախմբված աշխատանքային միասնական կոլեկտիվում, արտասահմանից եկած հայերը դարձան մեր հասարակութեան շիւրջով անդամներ, նոր կյանքի խակական, գիտակից կերտողներ, որոնք իրենց աշխատանքով արժանի ավանդ են մուծում ռեսպուբլիկայի ժողովրդական տնտեսութեան, գիտութեան և կուլտուրայի զարգացման գործում:

Աեծ Հովտեմբերի ծնունդ հանդիսացող Սովետական Հայաստանի հաջողութիւնները սոցիալիզմի և կոմունիզմի կառուցման ապարեզում՝ անհուն բերկրանքի և հպարտութեան գգացմունքով են լցնում հայրենիքից դուրս, օտար երկնակամարների տակ ապրող հայ աշխատավորների սրտերը: Այդ հաջողութիւնները միաժամանակ գազազեցնում են իրենց գոյութիւնը դեռևս քարշ տրվող դաշնակ տվանտյուրիստներին: Մեր

— 38 —

երկրից դուրս շարտված և իմպերիալիստական պետութիւններում ապաստան գտած՝ հայ ժողովրդի ոխերիմ թշնամի դաշնակները ատելով ատում են Սովետական Հայաստանը: Վարձու ծառայութեան մեջ մտնելով օտարերկրյա իմպերիալիստների մոտ, խաղաղութեան և առաջադիմութեան այդ թըշնամիները չեն դադարում Կոմունիստական պարտիայի և Հայաստանի աշխատավորների հասցեին լուտանք թափելուց: Եթե համաշխարհային երկրորդ պատերազմի տարիներին նրանք լծվել էին ֆաշիստական Գերմանիայի մարտակառքին և նրանց սըվինների օգնութեամբ փորձում էին վերադառնալ Հայաստան ու նորից վերականգնել այնտեղ բուրժուական կարգեր, ապա այժմ, որպէս ամերիկա-անգլիական իմպերիալիստների գործակալներ նրանք նոր համաշխարհային պատերազմի պրոպագանդա են մղում, նոր դավեր են նյութում Հայաստանը ամերիկյան գաղութի վերածելու համար: Սակայն իմպերիալիզմի գործակալների բոլոր պլանները դատապարտված են ձախողման:

Սովետական մեծ Միութեան անքաժան մասը կազմող Սովետական Հայաստանը դարձել է այն ձգողական կենտրոնը, լուսա-

պայծառ ջահը, որին հառած են Սփյուռքի հայ աշխատավորության հայացքները:

22. Սովետական պետությունը ամենադեմոկրատականն է աշխարհում: Սովետական դեմոկրատիան Հոկտեմբերյան Սոցիալիստական Մեծ ռեոլյուցիայի արդասիքն է, այն՝ նոր, ավելի բարձր տիպի դեմոկրատիա է և արմատապես տարբերվում է բուրժուական կեղծ, կիսատ-պռատ դեմոկրատիայից: Սովետական դեմոկրատիան, ամենից առաջ, դեմոկրատիա է աշխատավոր մասսաների համար: Դրա վառ ապացույցն այն է, որ ՍՍՌՄ աշխատավորների դեպուտատների տեղական Սովետներում ընտրված են ավելի քան մեկ և կես միլիոն մարդ՝ մեր երկրի բանվորների, գյուղացիների, ինտելիգենցիայի լավագույն ներկայացուցիչները: Հայկական ՍՍՌ Գերագույն Սովետում և աշխատավորների դեպուտատների տեղական Սովետներում ընտրված են ավելի քան 13.000 մարդ:

Սովետական դեմոկրատիայի ծավալման գործում խոշոր նշանակություն ունեն այն միջոցառումները, որ ՍՄԿՊ XX համագումարի որոշումների ոգով կիրառում է Կոմունիստական պարտիան էկոնոմիկայի և կուլտուրայի ղեկավարման գործում միութենական

— 40 —

ռեսպուբլիկաների իրավունքների ընդլայնման ուղղությամբ: Այդ միջոցառումներն էլ ավելի մեծ հնարավորություն են ընձեռնում բոլոր միութենական ռեսպուբլիկաների և ՍՍՌՄ բոլոր ժողովուրդների նախաձեռնության ու ստեղծագործական ուժերի՝ զարգացման համար, ամրապնդում են նրանց եղբայրական բարեկամությունն ու համագործակցությունը:

23. Ռեսպուբլիկայի աշխատավորության պայքարը կազմակերպում և գլխավորում է Հայաստանի Կոմունիստական պարտիան՝ Սովետական Միության Կոմունիստական պարտիայի հավատարիմ ջոկատներից մեկը: Ուժեղացնելով կապը մասսաների հետ, քրննադատության և ինքնաքննադատության միջոցով մինչև վերջ բացահայտելով ժողովրդական տնտեսության և կուլտուրայի զարգացման բնագավառում տեղ գտած թերությունները, Հայաստանի պարտիական կազմակերպություններն էլ ավելի սերտորեն են համախմբվում ՍՄԿՊ Լենինյան Կենտկոմի շուրջը, մոբիլիզացնում են աշխատավորության բոլոր ուժերը՝ ՍՄԿՊ XX համագումարի պատմական որոշումները, վեցերորդ հնդամյակում ռեսպուբլիկայի առջև դրված խնդիրները հաջողությամբ կենսագործելու համար:

— 41 —



Հայաստանի Կոմունիստական պարտիան, բոլոր աշխատավորները լիովին հավանություն տվեցին ՍՄԿՊ Կենտկոմի 1957 թվականի Հունիսյան պլենումի որոշումներին, միահամուռ դատապարտեցին Մալենկովի, Կաբանովիչի, Մոլոտովի հակապարտիական խմբի ու նրանց հարած Շեպիլովի պառակտչական, ֆրակցիոն գործունեությունը: Այդ խմբի մերկացումը նորից ցուցադրեց Կոմունիստական պարտիայի և սովետական ժողովրդի սերտ միասնությունը, է՛լ ավելի բարձրացրեց պարտիայի հեղինակությունը մասսաների մեջ:

Սովետական Հայաստանի աշխատավորները մեծ բերկրանքով են պատրաստվում նշելու Հոկտեմբերյան Սոցիալիստական Մեծ ռևոլյուցիայի պանծալի 40-ամյակը: Օրերին ավելի է ծավալվում ստեղծարար սոցիալիստական մրցությունը ռեսպուբլիկայի արդյունաբերական ձեռնարկություններում, կոլտնտեսություններում, սովխոզներում, մեքենա-տրակտորային կայաններում, տրանսպորտում և ժողովրդական տնտեսության մյուս բնագավառներում: Հայաստանի բանվոր դասակարգը, կոլտնտեսային գյուղացիությունը և ինտելիգենցիան, Կոմունիստական պարտիայի գլխավորությամբ, ջանք չեն

— 42 —

խնայում ՍՄԿՊ XX համագումարի կողմից առաջադրված հոյակապ խնդիրները կենսագործելու, ռեսպուբլիկայի ժողովրդական տնտեսության և կուլտուրայի հզոր վերելքն ապահովելու համար: Մեծ Հոկտեմբերի հաղթական դրոշմը նոր, ավելի պայծառ ու հոյակապ հեռանկարներ է բաց անում ինչպես ՍՍՌՄ բոլոր ժողովուրդների, այնպես էլ հայ ժողովրդի առջև:

Հայաստանի աշխատավորները ջերմորեն հավանություն են տալիս և պաշտպանում են Կոմունիստական պարտիայի ու Սովետական կառավարության խաղաղասիրական արտաքին քաղաքականությունը, ակտիվ մասնակցություն են ունենում այն մեծ պայքարին, որ մղում են Սովետական Միության ժողովուրդները ամբողջ աշխարհում կայուն ու երկարատև խաղաղության համար:

Սերտորեն համախմբված Կոմունիստական պարտիայի և նրա լենինյան Կենտրոնական Կոմիտեի շուրջը, Սովետական Հայաստանի աշխատավորները, ՍՍՌՄ ժողովուրդների մեծ բնտանիքում, ընթանում են առաջ, դեպի Կոմունիզմի լուսաշող գագաթները:

ՀԱՅԱՍՏԱՆԻ ԿՊ ԿԵՆՏԿՈՄԻ ՊՐՈՊԱԳԱՆԴԱՅԻ  
ԵՎ ԱԳԻՏԱՅԻՆԱՅԻ ԲԱԺԻՆ  
ՍՄԿՊ ԿԵՆՏԿՈՄԻՆ ԿԻՑ ՄԱՐՔՍԻԶՄ-ԼԵՆԻՆԻԶՄԻ  
ԻՆՍՏԻՏՈՒՏԻ ՀԱՅԿԱԿԱՆ ՖԻԼԻԱԼ

## ԵՐԿՐԻ ՍՈՎԵՏԱԿԱՆ ԱՐԶԵՍՏԱԿԱՆ ԱՐՐԱՆՅԱԿԸ

1957 թվականի հոկտեմբերի 4-ին Սովետական Միությունում արձակվեց երկրի առաջին արհեստական արբանյակը: Դա մի խոշոր իրադարձություն էր, որը ցնցեց ամբողջ աշխարհը: Այդ փաստը մի անգամ ևս ցուցադրեց սովետական գիտության զարգացման բարձր աստիճանը և կապիտալիզմի նկատմամբ սոցիալիզմի ունեցած վիթխարի առավելությունները:

Ի՞նչ կառուցվածք ունի և ի՞նչ նպատակով է բաց թողնվել երկրի սովետական արհեստական արբանյակը:

Արբանյակն ունի գնդի ձև, որի տրամագիծը հավասար է 58 սանտիմետրի, իսկ քաշը՝ 83,6 կիլոգրամի: Արբանյակի կորպուսը պատրաստված է ալյումինի համաձուլվածքներից: Կորպուսի մեջ է տեղավորված արբանյակի ամբողջ ռադիոապարատուրան էներգիայի սնման աղբյուրների հետ միասին: Կորպուսի վերին մակերեսի վրա ամրացված են 4 անտենաները, զորոնք մետաղյա ձողեր են 2,4 մետրից մինչև 2,9

— 44 —

մետր երկարությամբ: Արբանյակը դուրս բերելու ժամանակ անտենայի ձողերը սեղմված են հրթիռի կորպուսին:

Արբանյակն իր շարժման ընթացքում ենթարկվում է փոփոխական ջերմային ներգործությունների՝ Արևի տակ տաքանում է, իսկ Երկրի ստվերի մեջ շարժվելով՝ խիստ սառչում: Արբանյակի ապարատների աշխատանքը ևս ջերմություն է արտադրում: Որպեսզի արբանյակի ներսում գտնվող ապարատուրան չփչանա, պետք է այնտեղ պահպանվի կայուն ջերմաստիճան: Այդ պահովվում է նրանով, որ արբանյակի մակերեսին տրվում են արեգակնային ռադիացիայի ճառագայթմանը և կլանմանը համապատասխան գործակիցներ և արբանյակի ներսում կատարվում է ազոտի հարկադրական շրջանառություն:

Արբանյակի մեջ տեղավորված է 2 ռադիոհաղորդիչ, որոնք անընդհատ ազդանշաններ են ճառագայթում: Այդ ազդանշանները հեշտությամբ են ընդունվում ռադիոսիրողների ռադիոընդունիչների միջոցով (ալիքների երկարությունը հավասար է համապատասխանորեն 15 և 7,5 մետրի):

Արբանյակի կտոր գունդը տեղավորված է արբանյակը կրող հրթիռի առջևի մասում և փակված է պաշտպանական կոնով: Հրթիռը արբանյակի հետ բաց թողնվեց ուղղահայաց կերպով: Կարճ ժամանակ անց, ծրագրային սարքի օդնության մեջ, հրթիռի առանցքը սկսեց աստիճանաբար շեղվել ուղղահայացից: Դեպի



ուղեծիրը դուրս գալու հատվածի վերջում հրթիռը գտնվում էր մի քանի հարյուր կիլոմետր բարձրության վրա և շարժվում էր երկրագնդի մակերեսին՝ զուգահեռ՝ մի վայրկյանում 8 հազար մետր արագությամբ:

Հրթիռի շարժիչի աշխատանքն ավարտվելուց հետո, պաշտպանական կոնը ցած դգվեց, արբանյակը բաժանվեց հրթիռից և սկսեց շարժվել ինքնուրույն կերպով:

Արբանյակի ուղեծիրը առաջին մերձեցման ժամանակ ներկայացնում է մի էլիպս, որի ֆոկուսներից մեկը գտնվում է Երկրի կենտրոնում: Արբանյակի թռիչքի բարձրությունը երկրի մակերեսից կայուն չի մնում, այլ պարբերաբար փոխվում է, հասնելով մեծագույն չափի՝ մոտ հազար կիլոմետրի: Ներկայումս ուղեծիրի պերիգեյը (ներառմանացածր կետը) գտնվում է Երկրի հյուսիսային կիսագնդում, իսկ ասպոգեյը (ուղեծիրի ամենաբարձր կետը)՝ հարավային կիսագնդում:

Ժամանակի ընթացքում, երկրի մթնոլորտի վերին շերտերում արբանյակն արգելակվելու հետևանքով, նրա ուղեծիրի ձևն ու չափը աստիճանաբար կփոխվեն: Մթնոլորտի ավելի թանձր շերտերը մտնելիս արբանյակի արգելակումը չափազանց կուժեղանա՝ արբանյակը կշիկանա և կայրվի:

— 46 —

Ներկայումս արբանյակի մեկ պտույտի ժամանակամիջոցը կազմում է 96 րոպե:

Այժմ ՍՍՌՄ-ում պարբերաբար արբանյակի դիտարկումներ են կատարում օպտիկական դիտարկումների 66 կայուն և ԴՕՍԱԱՖ-ի 26 ակումբ՝ ռադիոդիտարկման բազմաթիվ միջոցներով: Արբանյակը դիտարկում են նաև հաղարավոր ռադիոսիրողներ:

Արբանյակում էլեկտրաէներգիայի պաշարները սպառվելուց հետո, այնտեղից եկող ռադիոազդանշանները դադարելու են: Այդ ժամանակ արբանյակի դիտարկումը կկատարվի օպտիկական մեթոդներով ու ռադիոլոկատորներով:

Արհեստական արբանյակի բաց թողումը գիտական և պրակտիկ նշանակություն ունեցող մեծ և պատասխանատու նպատակներ է հետապնդում: Նրա միջոցով ուսումնասիրվելու են մթնոլորտի վերին շերտերի ֆիզիկական և երկրի շուրջը գտնվող տիեզերական տարածությունը: Արբանյակի աշխատանքի ծրագրի մեջ են մտնում նաև իոնաոլորտի վիճակի, նրա քիմիական կառուցվածքի ուսումնասիրությունը, ճնշման և խտության չափումները, մագնիսային չափումները, ուսումնասիրվելու են նաև Արևի և տիեզերական ճառագայթների բաղադրությունն ու հատկությունները և շատ ու շատ այլ, մինչև այժմ չպարզաբանված հարցեր:

Սովետական գիտնականները և ինժեներները լուրջ աշխատանք են տանում գեոֆիզիկական տարվա ըն-





թացքում Նրկրի մի շարք արհեստական արբանյակներ  
բաց թողնելու ուղղությամբ: Այժմ կարևորագույն  
խնդիրը կայանում է նրանում, որպեսզի բաց թողնվեն  
ավտոմատ դեկավարում ունեցող արբանյակներ, որոն-  
ցով հնարավոր կլինի դեպի տիեզերական տարածու-  
թյուններն ուղարկել զանազան կենդանիներ: Այդպիսի  
արբանյակները հնարավորություն են ունենալու նորից  
դեպի երկիրը վերադառնալու բոլորովին անվնաս վի-  
ճակում:

Թայց արդեն այս առաջին արբանյակի բաց թողումը  
գերազանցեց մարդկային ամենահանդուգն մտահղա-  
ցումները: Այս լուրը շանթի պես հարվածեց ամենից  
առաջ ամերիկացիներին, որոնք համոզված լինելով, թե  
Սովետական Միությունը դեռ շատ հեռու է նման  
փորձարկումներից, աջ ու ձախ փառաբանում էին իրենց  
նախագծած արհեստական արբանյակը, որը դեռ պետք  
է բաց թողնվի ոչ շուտ, քան 1958 թվականի գարնանը:

Արհեստական արբանյակի բաց թողումը ֆրանսիա-  
կան «Կոմբա» թերթը գնահատում է, որպես «գիտական  
մրցության մեջ Սովետական Միության մեծ հաղթանա-  
կը ԱՄՆ-ի նկատմամբ»: Այդ նույն միտքն է արտա-  
հայտում նաև հենց ամերիկյան «Նյու Յորք ուորլդ տե-  
լիգրամ էնդ Սան» թերթը. «Երկրի ռուսական արբան-  
յակի բաց թողումով,— գրում է թերթը,— վրա է հաս-  
նում նոր դարաշրջան: Ռուսները շահեցին մրցությու-  
նը»: Ամերիկյան մի ուրիշ ազդեցիկ թերթ՝ «Նյու Յորք  
Թայմսը» գրում է. «Սովետական Միությունը տիեզերա-

— 48 —

կան տարածության մեջ մի ահռելի քայլ կատարեց, մի  
քայլ, որը գերազանցում է այն, ինչը մտադիր էին ա-  
նել Միացյալ Նահանգների գիտնականները: Շուտով  
երեկոյան կամ առավոտյան աստղը, որը կերևա Միաց-  
յալ Նահանգների երկնքում, կլինի կարմիր աստղ, որը  
պատրաստված է Մոսկվայում»:

Երկրի սովետական արհեստական արբանյակի բաց  
թողումը մեր գիտնականների և ինժեներների մեծ նվերն  
է մեր Հայրենիքին՝ Հոկտեմբերի 40-ամյակի տոնակա-  
ռարության նախօրյակին: Այդ փաստը հատուկ կերպով  
է քնդգծում այն, թե ինչի են ընդունակ գիտությունը և  
նրա զարգացման համար աշխատող մարդիկ, երբ նը-  
րանք ազատ են կապիտալիստական ամեն տեսակ կա-  
պանքներից:

## СОДЕРЖАНИЕ

стр

### МАТЕРИАЛЫ ДЛЯ ДОКЛАДОВ И БЕСЕД

Великая Октябрьская социалистическая  
революция и возрождение армянского  
народа . . . . .

1

### СПРАВКА

Советский искусственный спутник Земли

44



Отдел пропаганды и агитации  
ЦК КП Армении  
БЛОКНОТ АГИТАТОРА  
№ 20 1957 г.

ՎՅ 08409

Պատվեր 745

Տիրաժ 8487

ՀՍՍՌ Կուլտուրայի մինիստրության հրատարակչու-  
թյունների և պոլիգրաֆ արդյունաբերության գլխավոր  
վարչության II տպարան, Երևան, Կոմիտասի Մ 8,  
Գինը 50 կոպ.